



Na osnovu člana 143. a u skladu sa članom 146. stav 3. Zakona o srednjem obrazovanju ("Službene novine Kantona Sarajevo", broj: 23/17 i 30/19 i 33/21), člana 7. Pravilnika o izboru, kriterijima za izbor, nadležnostima i radu direktora srednjih škola ("Službene novine Kantona Sarajevo", broj: 46/18), člana 140. Pravila JU Srednja zubotehnička Sarajevo i na osnovu Odluke Školskog odbora JU Srednja zubotehnička škola Sarajevo, broj: 274-01-1/23 od 22.02.2022. godine, JU Srednja zubotehnička škola Sarajevo raspisuje:

JAVNI KONKURS ZA IZBOR DIREKTORA/ICE JAVNE USTANOVE SREDNJA ZUBOTEHNIČKA ŠKOLA SARAJEVO

Javni konkurs za izbor direktora/ice Javne ustanove Srednja zubotehnička škola Sarajevo raspisuje se na mandatni period od četiri(4) godine.

I USLOVI ZA IZBOR

Kandidat za direktora dužan je ispunjavati sljedeće uslove:

1. Opći uslovi:

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs,
- b) da se na tog kandidata ne odnosi član IX 1. Ustava Bosne i Hercegovine,
- c) da nije osuđivan za krivično djelo i za privredni prestup nespojiv sa obavljanjem dužnosti direktora/ice škole,
- d) da nema privatni finansijski interes u Javnoj ustanovi Srednja zubotehnička škola Sarajevo, u kojoj se kandiduje za direktora.

2. Posebni uslovi:

- a) da u pogledu stručne spreme ispunjava uslove za nastavnika ili pedagoga u školi,
 - b) da ima najmanje 8 godina radnog iskustva i od toga najmanje 5 godina na poslovima u nastavi ili na pedagoško-psihološkim poslovima u stepenu stručne spreme koja se traži za radno mjesto,
 - c) da ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa i
 - d) da ima najmanje stečeno stručno zvanje mentor.
- Potrebno radno iskustvo u školi podrazumijeva rad u nastavi sa sedmim stepenom stručne spreme, odnosno završenim najmanje II ciklusom bolonjskog visokoobrazovnog procesa.

Za direktora ne može biti imenovano:

- a) lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine Zakona o ministarskim, vladinim i drugim imenovanjima Federacije Bosne i Hercegovine,
- b) lice za koje se odgovarajućom medicinskom procedurom utvrdi da je alkoholičar, odnosno ovisnik o narkoticima,
- c) lice za koje se odgovarajućom medicinskom procedurom utvrdi da boluje od zarazne ili duševne bolesti,



d) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više.

II SADRŽAJ PRIJAVE

Uz prijavu na konkurs, kandidati su dužni dostaviti sljedeću dokumentaciju (original ili ovjerene kopije):

1. Svojeručno potpisanu prijavu na javni konkurs sa kontakt podacima (adresa stanovanja, broj telefona i e-mail adresa) i tačno navedenom dokumentacijom koja se prilaže na javni konkurs;
2. Biografiju (CV);
3. Izvod iz matične knjige rođenih;
4. Uvjerenje o državljanstvu (ne starije od 6 mjeseci);
5. Diplomom o stečenoj stručnoj spremi;
6. Uvjerenje o položenom stručnom ispitu;
7. Dokaz o radnom iskustvu (najmanje osam godina radnog iskustva i od toga najmanje pet godina na poslovima u nastavi ili na pedagoško-psihološkim poslovima u stepenu stručne spremlje koja se traži za radno mjesto), a koje podrazumijeva rad u nastavi sa sedmim stepenom stručne spremlje, odnosno završenim najmanje II ciklusom bolonjskog visokoobrazovanog procesa (potvrdu izdaje prethodni poslodavac/poslodavci);
8. Rješenje o sticanju stručnog zvanja (najmanje mentor);
9. Dokaz da protiv lica koje konkuriše za direktora nije potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više, ne stariju od 3 mjeseca, (izdaje nadležni sud);
10. Pisani razvojni plan i program Javne Ustanove Srednja zubotehnička škola Sarajevo za mandatni period;
11. Potpisana i ovjerena izjava od strane nadležne Općinske službe kojom kandidat izjavljuje sljedeće:
 - a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od 3 godine od dana prijavljivanja na ovaj javni konkurs;
 - b) da se na kandidata ne odnose odredbe člana IX 1. Ustava Bosne i Hercegovine;
 - c) da nije osuđivan za krivično djelo i za privredni prestup nespojiv sa obavljanjem dužnosti direktora škole;
 - d) da nema privatni finansijski interes u Javnoj ustanovi Srednja zubotehnička škola Sarajevo u kojoj se kandiduje na mjesto direktora;
 - e) da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine Zakona o ministarskim, vladinim i drugim imenovanjima Federacije Bosne i Hercegovine.

III DOSTAVLJANJE PRIJAVE I POTREBNE DOKUMENTACIJE

Prijave sa dokazima o ispunjavanju uslova dostaviti najkasnije sa danom 15.03.2023. godine, poštom preporučeno ili u zatvorenoj koverti na protokol Škole svakog radnog dana u vremenu od 9:00 do 14:00 sati, na adresu: JU Srednja zubotehnička škola Sarajevo, ul.



Čekaluša broj 84, 71000 Sarajevo sa naznakom: "Prijava na javni konkurs za izbor direktora – ne otvaraj (Otvara Školski odbor)".

IV ROK ZA PODNOŠENJE PRIJAVA

Javni konkurs ostaje otvoren 15 (petnaest) dana od dana objavljivanja u dnevnim novinama i na službenoj stranici Ministarstva za odgoj i obrazovanje Kantona Sarajevo . Konkurs će biti objavljen na službenoj internet stranici Ministarstva za odgoj i obrazovanje Kantona Sarajevo, internet stranici JU Srednja zubotehnička škola Sarajevo i u dnevnom listu "Oslobođenje", dana 28.02.2023. godine, te ostaje otvoren zaključno sa danom 15.03.2023. godine.

V OBAVJEŠTAVANJE KANDIDATA

Školski odbor će pisano putem pošte obavijestiti sve kandidate koji su se prijavili na konkurs o Odluci o imenovanju direktora, u roku od 8 (osam) dana od dana donošenja odluke.

VI VRIJEME ZA KOJE SE VRŠI IMENOVANJE

Imenovanje direktora se vrši na period od 4 (četiri) godine, počev od prestanka dužnosti direktora JU Srednja zubotehnička škola Sarajevo i u skladu sa Odlukom Školskog odbora o imenovanju direktora na osnovu Javnog konkursa.

NAPOMENA:

- Nepotpune i neblagovremene prijave neće se uzeti u razmatranje.
- Kriteriji, procedure, uvjeti, način izbora i imenovanja direktora utvrđeni su Pravilnikom o izboru, kriterijima za izbor, nadležnostima i radu direktora srednjih škola ("Službene novine Kantona Sarajevo", broj: 46/18).
- Izabrani kandidat će ljekarsko uvjerenje (ne starije od šest mjeseci) i ovjerenu izjavu kod nadležnog organa da ispunjava uslove članom 146. stav 12. tačke a) i b) Zakona o srednjem obrazovanju ("Službene novine Kantona Sarajevo broj 23/17, 30/19 i 33/21) biti obavezan dostaviti po izboru, a prije imenovanja na funkciju direktora ove Javne ustanove.

Izrazi koji se koriste u ovom javnom konkursu, a imaju rodno značenje, odnose se jednako na muški i ženski rod.